

## Алжаннавунсса ламу

Жунма кӀулли жулла дин ххюра задрай дарцӀуну душиву: дакӀнихтуну шагдадат рутаву, гъантлун ххюва чак баву, закат буккаву, рамазан зуруй зума дугъаву, каши духъурча хӀаж баву.

макъала: Камал Сагидов

Аллагъу Тааьланал Цала лагъарт личи-личисса захӀматшивурттайну ххал байссар, цума цукунсса урив. Ми захӀматшивуртту духӀан бювхъюманаша шайссар къянкъану цува муъминчувра учин. Аллагънал ﷻ жува ххал бан дулайссар захӀматшивуртту хъуслийну, ххаришивруйну, бала-апатирттайну. Циняв халкъ ляхъан бувсса Халикънал цавай мискинну ляхъан бувну бур, гайми аваданну ляхъан бувну бур. Мунийну кӀивайвагу ххал буллалиссар. Аваданминнан захӀматшиву хъанахъиссар цалла хъуслия мискинминнан кумаг баву. Мискинми Аллагънал ﷻ ххал буллалиссар къянатшиврийну. Хадисраву увкуну бур: «Мискиншиву чапушивручӀан гъан хъуссар». Циванни укун увкусса? Цанчирча, мискинсса чӀумал инсаннал ссавур диял къархъуну, ягу аваданминнал кумаг буллан къабивкӀукун, ганал бюхъайссар имандалува уккан айсса тӀуллу дан. Муниятур жунма закатрая кӀулну бикӀан аьркинсса. Бусурманнан кӀулссар жулва дянив мискинсса, кумаграй мюхтажсса уссу-ссу бушиву, гайннан кумаг бангу жуйвасса буржри. ХӀакъинусса къини Дагъусттаннай цинявннал багъайкун закат булайсса бивкӀссания, жула республикалий бакъасса, чӀаххувсса республикардайгума мискинтал къабикӀанссия. Жунма кӀулли ца-цавай жула халкъ цукун аваданну буссарив. Жу гайннахъ жунна цичӀав дула тӀий бакъару, мукун ххай мабикӀарича. » 5



Ва номерданий :



лаж. 3

Чаклин иссаврил фаризарду ва суннатру



лаж. 5

Магъарданул агъамшиврул баян



лаж. 7

Алгебралул «пшу»

## Къуръан буккаврил адабру

Къуръан буккаву Аллагъу Тааьланал карама-три. Му буккаврийну инсантал хъун бан, ххира бан, миннан хас дурсса эбадатру ди. Инсантурал дакъа му Къуръан буккаврийну цайми малаиктурал, жиндардил эбадат къадайссар. ХӀатта миннун инсантурал булакимуних вичӀидишингу хъинну шавкъ дикӀайссар. Къуръан буккаву муксса ххирасса эбадат духъувкун, му буккаврил ххирашиву хӀасул хъун, му адабирттай буккин аьркинссар. Мигу цири чирча, Къуръан буккин ччисса инсан цал марцӀну, тамамну, чаклингу ивссуну, сиваку дурккун, къацӀгу марцӀ бувну шяикӀайсса кӀанугу марцӀ бувну, адабрай, гъайатрай, устгазнал хъхъичӀ шя икӀайсса куна ник рирщуну, къиблалийн лажинну, Занная нигъа увсун, бакӀгу хъхъичӀун дуртун шя икӀанссар. Яла лавсун Къуръан ада-



брай хъун бувну, лахъсса задрай бивхъуну, хӀурматрай тӀивтӀуну «Аоьзу биллагъи ссамизӀ аьлим, мина щайтӀани ражим. Рабби аьозубика мин гъамазати щайтӀини ва аьозубика рабби ан яхӀзуруни» -увкуну, яла Къул аьозугу бувккуну, Къуръан буккайни дуккайсса дуаьгу дурккуну, альхӀамгу бувккуну, дакӀнийсса шугълурдугу буккан бувну Аллагъу ﷻ дакӀний увгъуну Аьозубиллагъу бисмилагъу тӀий буклан байбисшайссар. Къуръан буклай байбивхъуну, ккалан ивкӀун махъ къуртал хъуннин дунияллул шугълурду, щайтӀаннул вас-васругу дакӀнийн багъан къаивкӀун, мяъна кӀулсса ухъурча, гъарца калималул, аятрал мяъна-мурадгу дакӀниву тасаввур дуллай, амру-нагъюрдугу дакӀниву бувгъуну, мяъна къаӀулсса ухъурча Аллагъу ﷻ Идавсту ﷻ дакӀний увгъуну, нигъа увсун букланссар. » 4

## Мавлудирттаву музыка ишла къабан

Ноябрьданул 23-нний Дагъусттаннал Бусурманнал Динналул Идаралу муфтий АхӀмад-хӀажӀи Аьбуллаев ва цаймигу аьлимтал хьуна бавкъунни мавлудру ва нашидру буккултрашал.

Га хьунабакъаврий ххал бивгьунни цаппара шиннардил хьхьичӀ ДУМДрал фатва буллуну нашидру ва мавлудру музыкалухун учаврий къадагъа дишаву цукун биттур буллай бури.

«Нашидру ва мавлудру хъанахъиссар халкъуннан исламрая бусаврил ца куцну, мунияту миннувугу Шариатрал ккаккан дурса шартӀру биттур дан аьркинссар. Гайнну-вусса махъругу, учайсса куцгу ШариатрацӀун даркъусса дикӀан аьркинссар. Мавлудругу нашидругу мяйжаннугу Ислам гъаз дан кумаг буллагимурну хьуншиврул, гай учаву дакӀнихтунусса дикӀан аьркинссар» - увкунни АхӀмад-хӀажӀинал. Имамтурал дакӀнин бувтунни, щаллагу дуняллийсса бусурманнал аьлимтурал музыкалухун диндалул назмурду дукъаву ххуйчулий ккак-



кан дурну дакъашиву. МахӀачкъалаливсса Хьун мизитрал имам МухӀаммадрасул-хӀажӀи Сааьдудевлул увкунни: «Яла ххуймур музыкалул инструмент – марцӀсса ва ххуйсса чӀури. Нашидрах вичӀи дирхьуманан лахъсса музыканийр исвагъисса чӀу тӀааьн бизайссар». Ялагу МухӀаммадрасул-хӀажӀинал дакӀнин бувтунни, мавлуд ягу нашид аьраб мазрайсса духьурча,

чара бакъа гьарца хӀарака (огласовка) тӀайлану дуккин аьркиншиву, лахъи баймур лахъи буллай, кутӀа баймур кутӀа буллай. Нашидру ва мавлудру дуккайми рязи хьунни аьлимтурал тӀимунищал ва цалла дуллалисса даву шайннал тӀимунин даркъуну дуллан махъ буллунни.

www.islamdag.ru

## Хажитурал мавлуд



Аллагънайн ﷺ щукру, махъсса ппурттыву лакрал щархъава хӀажлив лавгми, гъан гъира буми чӀяву хъанай бур. Гъашинугу Лакрал, Ккуллал ва Цуссалакрал районнай 40-нний бивсса ХӀажитал ххи хьунни. Вай районнаясса хӀажитал махъунмай зана хьуну махъ, МахӀачкъалаливсса Сайфуллагъкъадинал (къ.с.) цӀанийсса мизитраву дуруни щукрулул мавлуд. Гиккун бавтӀун бия гъашину Сулейман Керимовлул хӀарачатрайну уквӀа хӀажлив лавгун цалва бурж биттур бан бювхъумий. Жулва чулухагу дакӀнихтуну барча буллай буру циняв ХӀажлив лавгмий. Аллагънал ﷺ зул ХӀаж къамул баннав! Амин!

## 12-ра шинавусса хӀафиз

Уттигъанну Казаннай хьунни Къуръан буккавил ва хӀафизтурал конкурс. Ваниву гьуртту хьунни чӀярусса хӀукуматирттаясса Къуръан буккулт. Конкурсраву гьуртту хьусса яла чӀивима хӀафизнан 11-ра шин дия, яла хьунаманан 74-ра. Финалданувун бувккуну 21-я хӀафиз Аьрасатнавасса, Казахнавасса, Киргизнавасса, Украиннавасса, Беларуснавасса, Азербайджаннавасса, Узбекистаннавасса ва Таджикинавасса.

Къуръан дакӀних буккавил номинациялу ххув хьунни Дагъусттаннаясса Билал Аьбулхаликов. Килчинмур кӀану бувгьунни Тад-



жикнавасса МухӀаммад Махмадиевлул, шамулчинмур - Казаннаясса Ильдар Сабитовлул. Оьрмулул 7-лла шиная шинай Билал Къуръан лахълай ивкӀун ур. 11-ра шинаву ганал щалва Къуръан дакӀних лавхъхуну бур. Шиккува учин, ва бия ванал оьрмулуву дахъва кӀилчинмур конкурс, цувагу кӀиннивувагу цалчинмий канттурду бувгьуну бур. Гъашину ва ххув хьуссия гьарца шинал Хасавюртлив байсса конкурсравугу. Казаннал мэриялул вакилтурал циняв гьуртту хьуминнан дипломру ва бахшишру дуллунни.

www.islam.ru

### «Цусса шин»

Уттигъанну байбивхъунни мухӀаррам барз – дуркӀунни цусса бусурманнал шин. Амма циксса жулва уссурваран ва ссурвавран кӀулну биявав цусса шин дайдирхъушиву? Чансса хьхьичӀ дуссия бусурманнал яла хьунмур байран – Къурбан байрам. Му къинигу чӀявусса жулва инсантал Къурбан биххансса арцуи мяш хьунни «Ттул каши дакъар» - тӀий. Аммарив декабрьданул 31-мур къини дуркӀукун, арцугу лякъай, гай хӀанттих харж дан махъунмайгу къашай.

Ци ххуйшивур дусса «цусса шин» хьуна дакъавриву?

СсанчӀав аьркин бакъа мурхъ бувтун, кӀира нюжмардий къатлуву бацӀан бавури? Гарцаннал ца-ца бутларча цаппара шиннардива жува дурагу щюллишиву дакъа личӀанссару. Амма оьрмулуву инава цими мурхъ бувгъуссар куну цӀуххирча, цавагу бувгъусса нажагъгу укканссар. Му бакъассагу, Шариатрайн бувну, аьркиншиву дакъанма мурхъ бутаву хӀарамсса исраф хъанахъиссар. «Дякъил ттатта». Жулва оьрчӀру «Дякъил ттаттахъ» чӀа тӀий, «тгун ва дула, тгун та дула» тӀути бувару. Яла гай хьуни хьувкун, махӀаттал хъанай буру циванни гай Аллагънайн ﷺ къавихсса, аьркин бакъасса иширттаву хӀала бухлахисса, тӀий. ЧӀивинияцӀа «ттаттахъайн» вих хъанахъи къабувну Аллагу Тааьланайн иман дишин лахъхьин булларча хьинну къабикӀанссияв?

ЦӀанасса чӀумал «цусса шин» хьуна дакъаву байрам дакъарча, ацӀва гъантлий халкъ хӀанттивун бюкъаву хьуну дур.

МахӀатталсса иш бур, амма «цусса шин» хьуна дакъин хӀанттил шушрал гъагъавайсса столданух щябивкӀсса бусурман аьракъул къурттигу канил бувгьуну «Аллагънал цусса шинаву жухъхьунна цӀуллушиву дулуннав» тӀун бикӀай, гайминналгу «Амин!» тӀий. ХӀадисуль-Къудсилулу Аллагъ ﷺ тӀий ур «Ттуйн мютӀийшиврийну На кӀицӀ лагайма На РахӀматрайну кӀицӀ лаганна, бунагърайну, аьсившиврийну кӀицӀ лагайма, На нааьналийну кӀицӀ лаганна». Мунияту хӀанттил къуругу гъаз буллай дваь дуллалима Аллагу Тааьланал нааьналухъхьун агълагъиссар.

МухӀаммад Идавсил ﷺ увкуссар: «Ца къавмраха лавхъхьуну икӀан ччима - гайннавассар».

Мунин бувну, жунма кӀулну бикӀан аьркинни «Цусса шин» хьуна дакъаврил байран дуллан бусурманчуван лайкъ дакъасса тӀул душиву. Аллагънал ﷺ жухъхьунма тавфикъ булуннав Цува рязисса аьмаллу буллан, бунагъмуния арх буцан. Амин!

#### Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

#### Редакционный совет

Председатель редакционного совета муфтий РД Ахмад-хаджи АБДУЛАЕВ  
заместитель муфтия РД Махди-хаджи МУТАИЛОВ

#### Главный редактор

Патимат ГАМЗАТОВА

#### Редактор

Иса ОМАРОВ

#### Канонический редактор

Курамухаммад МАГОМЕДОВ

#### Корректор

Курбанисмаил АМИРОВ

#### Ответственный секретарь

Ахмад МАГОМЕДОВ

#### Менеджер

Абдусабир АХМЕДОВ

#### Дизайн, вёрстка

Лейла ГУСЕЙНОВА

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-37006 от 29 июля 2009 г.

При перепечатке ссылка обязательна. Набрано и сверстано на компьютерной базе газеты «Ассалам».

Отпечатано в ООО «Дом печати» по адресу: пр-т Акушинского, 20

Заказ № \_\_\_\_\_

Тираж 3. 350 экз.

Сдано в печать 16 декабря 2011 г. в 18:00

#### Индекс 51388

#### Адрес редакции

367015, РД, г. Махачкала, ул. Азиза Алиева 2. Тел.: (8722) 61-00-64.

По вопросам подписки и доставки обращаться по телефону: по Республике Дагестан – 8-988-699-28-24 по г. Махачкале – (8722) 914-222.

E-mail: assalamlak@mail.ru;  
www.assalam.ru

# Чаклин иссаврил фаризарду ва суннатру

Чаклийн иссаврил фаризартту цинявшагу ряхва буссар:

- 1) Ният даву;
- 2) Лажин шюшаву;
- 3) Кару шюшаву;
- 4) МасхIу баву;
- 5) Ччанну шюшаву;
- 6) ХьхьичI-хьирив даву;

Чаклийн иссаврил чара бакъамур, фаризамур къадарча, чак дурус къашайссар, къахIисавссар. Цал чаклин иссаврил ниятту дурну, му дайхту лажин шюшинссар. Яла кару шюшинссар ссюрхьругу хIалану. Яла бакрал чIарардайх масхIу банссар, яла ччанну шюшинссар къюшдугтвигу хIалану. Му куцдуй мий базурду хьхьичI-хьирив гьарца кIанайн шингу диян дурну шюшин ялувссар, хIатта ца къалмул кукку бишинсса кIану шин къадирну личIарча иссаву хIисав дакъассар, хIатта некурайсса хьакулттувунгума шин диян дан ялувссар. КIисурттал дияну, михьурттал чапалшиву, къанкъ зад дуну шин къадирна личIарчан къадурусьссар. КIисурайн лавхсса кIисса сукку бан ялувссар лув шин диян. Му куцдуй чаклийн иссаву къадарча, чак дурус къашайссар. Чаклин иссун ниятрай цакуну шалва чурх щинавун бахь лаган барчагу чаклийн иссаву шайссар.

Мунил камилмур, барт ларгмур чири хьунмур цал чаклийн исланнин чаклин биссайсса базурдай нажас-зад духьурчан му дукъан дурну, яла сивак ягу цамур ккарччив марцI дансса зад дукканссар. Яла шамилла барт кару шюшайссар, шюшайнигу: «Аоьбузу биллагьы мина шайтIани ражим. Бисмилагьир-рахIмани-р-рахIим. АльхIамду лил-ляги-лязи джааляль-маа тагьура» – учайссар. Яла «Ният дурунни на чаклин иссаврил фариза тIайла буккан» – куну ниятту дурну, каруннавун шин ларсун лажин шюшайссар «Аллагьумма баййиз важгьы бинурика явма табъяззу вужугу авлияика ва ля тусаввид важгьы бизуломатика явма тасвадду вужугу аьдаика» - увкуну. Му лажиндарал шюшаршуну чара бакъамур кIанугу – лахьийннай бакIрая чIарараягу айивхьуну дунтту бакIрачан бияннин, уттайнай кIирагу вичIилул диянивсса

кIанури. Чири хьхьитIисса бусса ухьурчан ссуку бан чIануйн шин диян дан ялувссар, щунсса бухьурчан ялату ссуку барчан гьассар, кIисри дияних буххан бувну баву ссуннатссар. ХьхьитIамур чири цумурди чирча, урувгукун ганивух лажиндарал бурчу ххал шаймурди, щунмур – ххал къашаймурди. Амма



ссирсилттал, иттацIанттал, итгалахьинтал, чIантIал чIанулун шин диян дан ялувссар. МурцIув итгав, къункъув шин къадияйсса кIанайн кIисри бувкIун марцI банссар. Яла урчIамур ка шюшинссар «Аллагьумма аьтIини китаби биямини ва хIасибни хIисабан ясира» - увкуну ссюрхьирттащIал. Яла мукунна киямургу шюшинссар «Аллагьумма ла туьтIиний, китаби бишимали ва ла мин варай загьри» - куну. Каруннил кIисри куннинун кув буххан бавугу ссуннатссар. Яла кIирагу ка атил дурну бакIрайх ягу чIарарайх масхIу банссар «Аллагьумма хIаррим шягьри, вабашари ва лахIми аьла н-нар» – увкуну. Му масхIу баврил ххирамур куцгу: каруннайн шин ларсун яла кIирагу ка лачIун дурну ненттабакIрай дирхьуну, бакIрайх къинттулухунмай дукканссар. БакI урину бухьурчан мукунма хьхьичIунмайгу дукканссар. Амма муний баччибакъашиву дуллалисса чIявусса бикIай дахьва ненттабакIрайх,

бурчуйх бувну къа битайсса, хаснува хьами. Мукун къагьассар, чIарарайн шин диян къадарча, чаклин иссаву къахIисавссар. Яла кIирагу канил цIусса шин ларсун кIивагу щалаша кIисса вичIаву бивхьуну кIирагу вичIилул ялтту хьун кIисри бувкун масхIу бавугу ссуннатссар «Аллагьуммажааьлний

минал лазийна ястамиоьнал къавла фьаттабиоьна аьхIсанагьу» - увкуну. Ялагу цIусса шин ларсун дарвачрайху масхIу баву. Яла урчIамур ччан шюшинссар къюшдугттащIал «Аллагьумма сабит къадамайя аьла ссиратIи явматазиллу фигьил аькьдам» - увкуну. Ччаннал кIисурттал диянивух канил кIисри бухан бавугу хьинссар лувату лавай. Ми гьарца базурду шан-шамилва шюшавугу ссуннатссар. Шамилванияр ххишала шюшавугу карагьатссар, чири къашайссар. Каруннил ссюрхьирдаяр ларай шюшавугу ссуннатссар. Мукунма, ччанал къюршдугттар лавай шюшавугу ссуннатссар. Лув-ялув лахьы лаган къабувну шюшавугу ссуннатссар, махьмий шюшиннин хьхьичIмий къакъакьлансса куцдуй. Ислай уна ихтилат, калам бавугу къахьинссар. Му чIумал ми барчан чакливу хияллу, вас – васру, нукъсаншиву дагьайссар. Хьинну хузугьрай, тавазугьрай, тавбалий дакIгу марцI дурну Аллагьугу дакIний увгьуну, вас-васру, хияллу дакIнийн

къабувтун Аллагьнал хьхьичI ацIан, марцI хьун ниятрай, Аллагьугу кIицI лаглай иссунссар. Исрафшиву дурну, чIярусса шин гьан дангу карагьатссар хьхьирил зуманив ухьурчангу. ХIатта ца кIихIамаксса щинай иссавугу ссуннатссар. Цаманал иссун авугу карагьатссар ца багьана, озьру бухьурча бакъа. Лажиннарайх шин рищавугу къахьинссар. ХIаллих ларсун ненттабакIрая тIайла хьуну дукканссар. Ивссукун кару палцI давугу къахьинссар, му эбадатрая лихьаву кунмассар. Ивссукун карщух ягу цамур задрах лишавугу къахьинссар, шин базурдай дусаксса къакьанцIа Аллагнаха тасбихI дуллай бикIайссар. Амма Идавсилгу лирхьуссар, лишин бучIиссар тIийгу бур. Щарсса чаклийн дирссуну ххи хьусса щинай иссавугу админан къахьинссар. Цува ивссуну ххи хьусса шин хIачIавугу хьинссар. Миннуву арушIалва дару буссар. Ивссуну къуртал хьувкун ссавруннайну урувугун: «Ашгьаду ан ла илагьа иллаллагьу вахIдагьу ла шарика лагьу ва ашгьаду анна МухIаммадан аьбадугу ва расулугу, субхIанакаллагьумма ва бихIамдика, ашгьаду алла илагьа илла анта, астагьфирука ва атубу илайка. Аллагьуммажааьлни минаттаваббина важааьлни минал мутатIагьгирина важааьлни мин эбадика ссалихIина» - учинссар. Иссайни гау аьрттугу дуккирча мунал гьарца базу хатIардая марцI шайссар. Му чаклийн иссаврийту мугьру бившуну Арцирал лув дишайссар. Мунилгу Аллагнаха тасбихI дуллай дикIайссар Кьияматсса Кьини дучIаннин. Мунил чиригу мунаха бикIайссар. Гьарца чIумал ивссуну икIавугу хьиннува хьинссар, муьминчунан лайкъссар, хьхьувайгу ивссуну утту ишаву хьинссар, Аллагнал иминшивруву икIайссар. ХIатта залимнаяту ниьга увсьсса чIумал чаклийн иссурчан, мунал зулмулия уруччайссар. Муьминчунвал ярагь чаклин иссавур. Ивссуну уна иссаву цIу давугу ссуннатссар, фаризасса ягу суннатсса чак бувну бухьурчан, къабувну бухьурчан цIу даву карагьатссар.

«НасихIатуль-авьам» («ГьунчIукьатIан»)

БУККУЛТРАЛ ЧАГЪАРДАВА

## Жулва аьлимтал хьама мабитари!

Ассаламу аьлайкум Ас-салам кказитрал зузалт! Зу Аллагнал махIшарданий лажин кIяламиннавух хьун баннав! Амин. Ттул ниттил нину, аьпабиву, дуссия Исрапиллуд Патимат тIисса. Му дия ЧIаящия МухIаммад-апаннинная вирд лавьсса хьамитайпа. Ттул нину ганил душ Исрапилхьал Хадижатлуд цила ниттия бавну чIявуну МухIаммад-апанниннахасса назмурду ккалан дикIайва. Гания бавну ттулма дакIний ливчIисса ххару нагу чичлайра, цIана ялун нанисса никиран жулва аьлимтал, шайхтал хьама къабитаншиврул.



Москав билаятрая БувкIсаривав чагьарду Дагьусттаннал муршидтал Ясир бугьира тIисса!?

Гьумучату къув кури, Щурагьату пар кури, ВицIхьиял мюрщи щархьайн Зумратрал чявхьа буври.

ВицIхьату загьир хьусса Та садапрал мусаннип Энадру гьарза хьуну Ясир увну лавгунни

Халк хIайран хьунсса куцдуй АьтIий дия лухччи-ссав, ХIурулентурал вягьлув Ясир увну наникун.

АьтIутIира муридтал Яру ливцIун багьаннин, Гьели баргь яла лавгун Ххютулу ливчIухьурча.

Диндалул тарцI гьаргьунни, Янил чани левшунни, Жул Сийлудул равхIаний Ясир увну лавгунни.

Авлиятурал муршид Будалятурал къутIуб, Дагьусттан зияутдин Жан МухIаммад-апанни

Кьурубинтурал устар РавхIанийтурал сайд Сулук элмулуд хьхьирий Ясир увну лавгунни.

Аьшукьтурал хIачIайсса Зам-замирал щараци РухIул аькьин бившуну Бюкьан бувну лавгунни

Щалва Дагьусттаннайсса Вил давлатирал чани Иная ясир увгьукун Бухлавгун цIан дагьунни.

Кявалуду къатлуд лагма Мусанниптал бия тIар Халкьуннал иршадиран Ина ххассал ува тIий.

Алжаннул хIуруэнтал Гьаваллавух бия тIар Ясирнал хIасратирай Цимилуд хьовхьу буллай.

Хизри идав архIалну МухIаммад Идав ккавкма, Вузудшиврул даража Сулукраву ххал хьума.

АьтIикат Наврузова, Цуссалакрал район, ш. ТIюхчар.

# Къуръан буккаврил адабру

**1 « Чаклин къаивссуну цуппа Куръандалин, ганил му-жаллатрайн, ганил чIапуйн, га бивхъусса къуршилин, чантайлин, Къуръандалул аят чивчусса задрайн ка лаян къабучIиссар, хIарамссар.**

Цуппагу гьарца хIарп, калима личIи дурну, гьарца ацIай кIанттурдай авцIуну, ацIан къабучIиний къаавцIуну, лахъи байни лахъи буну, кутIа байни, кутIа буну, хIаллих, паракъатну, анавар къабувну, мяъна даххана къахъунну, буккинссар, яла хъунмур, агъаммур мурад-матIлуб мукун буккавур. Мукун бувккусса къуръандалул дакI утгара дурну, чанна лахъан дайссар.

Мукун бакъа, бачIва, анаварну, пикри бакъа, щугълурдащал, хи-яллащал бувккусса Къуръандалил, мюнпат-чири чанссар. ХIаллих чансса бувккумунил чири хъунмассар анаварну чIявусса бувккумунилнир. Тартилданий, тажвидрай, махражрай буккаву хъинссар. Гьарца хIарп цилла-цилла кIанттава дуккан дурну, махраж сахIихI буну, ссифатру ххуй дурну буккинссар. Масала: садгу, сингу личIи буну, залгу, зийгу личIи буну, задгу, зуйгу личIи буну. Ми кунна гьарца хIарпру кунния-ку личIи дурну, дуккан дурну. АцIайни авцIуну, лахъи баймур лахъи буну, кутIа баймур кутIа буну, кIункIу баймур кIункIу буну, чIувин баймур, чIувин буну, загьир баймур загьир буну, къабаймур къабувну. ХIатта, мукун тажвидрай, махIражрай бакъа буккин дурус бакъассар, хIарамссар, буккирча буннагьралун агъайссар, чири ча хъуви тIисса аьлмталгума бур. Му буккаврил мурад-матIлуб – мяъна сахIихI шавури. Мяъна сахIихIгу къашайссар калимартту сахIихI къархъуссаксса, калимартту сахIихI къашайссар хIарпру сахIихI къархъуссаксса, хIарпругу сахIихI къашайссар цалла-цалла ссипатрай цурда-цурда дуккай кIаная дуккан къадурссаксса. Мукунни му Жабраил васитIалийну лавхIул махIфузравусса куццуй Аллагънаяту ﷻ Расулудлагънайн ﷺ ливксса. Муналгу, мунал асхIабтуралгу, миннал хъиривманалгу мукун ливксса куццуй тажвидрай буккай-гу бивкIиссар. Жувагу мукун буккин лахъхъингу ялувссар. Гьарманай чакливу буккайсса аьлхIамгу мукун буккирча бакъа чак дурус къашайссар.

Амма, кунналгу тIий бур, му тажвид, махраж ялув бакъассар. Аллагъта-аьлалан халкъуннай мунийну, му кIул дара куну таклифгу къадурссар. Хаснува аьжамитурай ялув бакъассар. Миннал цалва мазраву аьдат дагъсса куццуй, къацIлива нанисса куццуй буккирчагу дурусъссар. ГьалатIну, хатIану, сагъвийну, мазрава бувккумургу малаиктурал тIайла бацIан байссар тIий. Кунналгу тIий бур. Му тажвид, махраж ялувшиву, каялувшиву инсантурах бурувгунни бикIайсса. Масала: Аллагънал ﷻ калам пасихIну, сахIихIну, саламатну, Аллагъная ﷻ ливксса куццуй махраж-тажвидрай буккин лахъхъин бюхъайсса къудрат дусса, мазраву гьунар бусса, лахъхъин банмагу ухъурча, мунай ялувссар, къалахъ-хъирча му аьсив хъумари. Лахъхъин банма акъасса, мазраву гьунар бакъасса, лахъларчагу лахъхъин къабюхъ-

айсса ухъурча, ягу лахъхъин банма акъахъурча, ягу цамур ци-бунугу ца оьзру бухъурча, мунай ялув бакъассар тIий. Амма утти мукун муниву хилипшиву духъувкун, чIявуми аьлмтурал ялувшиврий бацIан



Дунияллий яла хъунмамур Къуръан (лахъишиву 2-ра метра, утташиву 1,5 метра, кIушиву 800-ра кило)

буллайгу бухъувкун, Къуръандалул агьлуну ухъусса гьарца муьминчуннай ялуври, лайкъри бюхъайссаксса ижттигъад дурну, хъирив агьну, халисну, махраж-тажвид кIулманаяту, миннахъ цIухлай лахъхъин, курчIил къавхъуну такаббур къавхъуну, кIулнал къацIурдийну бакъа му ххуйнугу къалахъхъайссар. ХIатта Расулудлагъ ﷻ цува цинявннар ххирасса, кIулсса унагу, цаяра ялавайсса Жабраиллуяту му махраж, тажвид лахълай ивкIиссар. ХIасил марцIну тажвидрайну буккаймагу магьирну, махражрай буккаймагу ми къакулна буккаймагу ца къашайссар. Магьирну буккайманал даражагу, мунил чиригу хъиннува хъунмассар.

Амма махражрал къанкъугу дакъана, мунил мяънагу дирив къакулна, махражрай буккайссар тIий цалва аькълу хIисаврай, ххуй бивзсса куццуй, кIул бакъана лахъи-кутIа буллай, махражрай хIарпру дуккан дуллай, макъан дакъин дуллай ккалаккаву – Къуръан пасат бавури. Му хъинну оьссар. Мукун ккалан ивкIукун цалла чурххал цанна на-аьна дайссар, Къуръандалул нааьна дайссар, на зия бувсса кунма инагу зия аннав тIий. Мунил чири ча хъуви, бунагъ хъунмассар. Ахирзаман-нул халкъуннал буккаву мукунссар дикIантIисса. Мукун зия къабувну цилва буккайсса куццуй дурусну, сахIихIну буклай ухъурчарив, чIу ххуй буллай, такъва, макъан дакъин дуллай буккаву хъинну ххирассар, ххуйссар, вичIи дирхъунан шавкъ дагъансса куццуй, оьккисса, гьира бакъасса макъандалий къабувкуну. ХIатта, аьтIий якъаману буккавугума ххирассар. Мунил мяъна ахтар дуллай, дакI нигъа дусан дуллай, яру аьтIи буллай. Яру аькъатIурчагу дакI аьтIи дурну, пашманшиву загьир дуллай буккинссар.

ЧIу лахъбувну, баянну буккавугу хъинссар, ккаккиялун буккай акъ-

ахъурча, Муниву мюнпат чIявуссар: вичIи дирхъунан чири шайссар, шанашима чантI учайссар, буклан шавкъ дикIайссар, бизар къашайссар. Кунналгу тIий бур лагьну оьв къаку-ну буккаву ххирассар, му рияърая

марцIиссар. Чири хъунмассар, даража зиядассар тIий. КъюлтIну бувсса садакъалул чири зиядасса кунма, загьирну булладимунилнир. ХIасил мунил личIишиву цалла дакъинийх буккайсса манзилалух бурувгун буккинссар.

Мунияту, лахъну буккавриву маслихатшиву духъурча, лахъну буккинссар, лагьну буккавриву духъурча, лагьну буккинссар. Амма цанмавагу баллай бикIан аьркинссар. Цанмавагу къабаяйсса куццуй, бачIва дахъва маз, къацI сукку буллай ккалаккаврив Къуръан буккаву къачайссар. Къуръан буккай уна му къабивтун цамур калам, гьалгъа бавугу карагъатссар, къахъинссар. Чири нукъсан шайссар. Къуръан ккалаккима Аллагънащал ﷻ ихтилат булладимари. Мунащалсса калам къуькин буну, цамур калам бан лайкъ бакъассар. Барчагу, ккалаккисса сура байлилтIуну бувача, чара бакъасса бухъурча. Хаснува хъан икIаву, хъярч махсара баву, тий-шинай тамашалий уруглавагу хъиннува къахъинссар. ХIатта буккай уна лувату изавугума карагъатссар ялун цама увххукун. Ца цалла ппу, ягу устаз, ягу аьлмчув уххарча акъасса. Му увххукун изан бучIири.

Къуръандалува циятура дакъас-са цамур хIарп, калима ххи дан къабучIиссар, хIарамссар, я чан дан къабучIиссар. Чирчуну дикIу, дурккуну дикIу, дарча мунийну аькъубалул угъайссар. ХIатта, къастирай дарча, чапур шайссар.

Къуръандаливу МухIаммад Расулудлагънал ﷺ цIаничIан ивну, му увкунгума, муная салават дутаву ялув бакъассар. ХIатта му дутавунир къадутаву хъинни тIийгума бур, Къуръандалул дянив цамур калима къадагъан, мунил назму даххана къахъун. Му бувккуну махъ дутавунир ххуйри. Амма суждалул аят бувккукун, сужда бан ссуннатссар. Мукунма, неьма-

трал аят бувккукун «разакъаналлагъ» чинссар. РахIматралсса бувккукун «рахIиманаллагъ» чинссар. Аьзабралсса бувккукун, «аьзаланаллагъ» чинссар. ТасбихIралсса бувккукун «астагъфируллагъ» чинссар. Мукунма, гьарца аятрацIун бавкъумур учин бучIир.

Къуръан канил бугъаврийнугу, му хъхъичI бишаврийнугу, муних уругаврийнугу чири хъунмассар, мунияту дакъиних буккавунийр, цуппа хъхъичI бивхъуну, гания буккаву хъинссар. Мугу личIисса эбадатри, буккаву дакъасса. Ми кIиннилвагу дянив фарийзасса чаклил ва ссуннат чаклил дянивсса манзила буссар. ХIатта аьсхIаб Оьсманнулгума ﷺ чIявуну луттирах урувгун буккай, кIива Къуръандалул лу тIавтIиссар чIявуну буккаврил. Мунал кунма, цайми аьсхIабтуралгу луттирах бурувгун буккайсса бивкIиссар дакъинихгу кIулну буна, мунил фазилат хъуннасса дунутIий.

ЦачIун хъуну ярглий ца-ца бутIа, ца-ца сура ца-цаннал буккай буккингугу бучIиссар. Мукун буккаву ссуннатссар тIийгу бур. Ца кIанайн ца мизитравун, ца къатлувун цачIун хъуну Къуръан буккайсса муьминтурал лагма малаиктал лагайссар миннах вичIи дишин. Мукун буклан бивкIукун Аллагънал ﷻ барачат, рахIмат ливккун миннавун бахъ лагайссар. Му буккин яла ххирамур кIанугу мизитри, яла цалва къатлуву марцIмур кIанури. Яла чув бунугу личIи бакъассар. Амма хIаммамраву, гьарахъ, кIичIираву, базаллуву, чапалсса кIанай буккаву карагъатри. Ххуллий най уна, даву дуллай уна, зий уна, занай уна буклангу бучIиссар, му даврихун машгьул хъанай зия къабулларча. Чаклин къаивссусса чIумал дакъиних буккингугу бучIиссар, ссуннатссар. Утту ивхъусса шанийгу ссуннатссар. Амма къацI нажасъсса чIумал буккаву къахъинни.

Къуръан буккин яла ххирамур, яла чири хъунмасса хIасул шаймур чIунгу – чакливу бувккумурди. Яла хъхъувай бувккумурди. Хъхъувай буккаву ххирассар дяхтта бувккумурнир. Хъхъувай пикрирду, щугълурду чанну бикIайссар. Рияърая, ккаккиялун буккаврив марцIиссар. Къуръандалул агьулданул бакъа къабуккайссар хъхъувай. Хъхъуни-вугу хъхъу дачIи хъуну махъ буккаву хъиннува хъинссар. Яла маркIачIн чаклия махъ хъатIан бизаннин хъинссар. Дяхтта яла ххирамур чIуннив кIюрххих буккавури. Яла чири чанмур чIун ахттакъуя махъ бувккумурди. Амма хъхъувай бикIу, дяхтта бикIу, ца чIун дургьуну буккаву хъинссар. Му буккин яла ххирами къинирдугу: аьрафатрал къини, яла гьарца нюжмар къини, итни къини, хамис къини. Зурдавугу яла ххирамур Рамазанни. Хаснува мунивугу махъсса ацIвагу гьантта. Яла зул-хIижжа бархир, хаснува мунивугу Къурбан бихханнинсса ацIвагу гьантта.

Къуръан бувккукун, мунил хъирив «Садакъаллагъул аьзим» увкуну, шамийла къулгугу бувккуну, фалакъ, нас, бувккуну, дуаьгу дурну къуртал банссар.

**«НасихIатуль-аьвам» («ГьунчIукъатIан»)**

# Магъарданул агъамшиврул баян

НикахIрал ва магъарданул масъала хъинну агъамсса масъала хъанахъиссар. Ца-цавай жулва инсантал бикIай ЗАГС буну, магъар къабивхъунма щаллу хъун бучIисса ххай. Къуръанналува ва Идавсил ﷺ хIадисирттаву магъар бишаврих хъуннасса къулагъас дурну дур. Бусурманнал кулпат сакин буллалисса чIумал чара бакъа магъар бишин аьркинссар, му фарзну хъанахъиссар.

макъала:  
Сайфуллагъ-къади МухIаммадаьлиев,  
Бархъаллал имамнал кумагчи

МухIаммад Идавсил ﷺ увкуссар: «Я жагылтал! Щарсса дуцин каши дусса, цIулли-сагъшиву дусса инсаннал щарсса дуцияра. Му щар дуцаву зун зулва яру ва цайми базурду бунагъирттая бурччаймурну лякьинтIиссар». Цамур хIадисраву бур: «Щарсса дурцусса бусурманчувал цалла динналул дачIи камил хъун дуллалиссар». Ялагу увкуну бур: «Кулпат ябан къашай тIий, щарсса къадуцайсса инсан жувадува (бусурманнава) акъар». «ПаччахIнай таж бивхъусса кунма, салихIсса бусурманчуван салихIсса щарссагу лайкъссар» – увкусса жула Идавсил ﷺ, цанчирча, кулпатрал багъу-бизулува щарссанил хъинну хъуннасса кIану бугълай буну тIий.

Щарсса дуцайссар мукъра лишан хIисав дурну: душнил аваданшиву, ххуйсса наслу, ккаккан ххуйшиву ва дин. «Миннува дин думур буца винма, акъарив ина пашман хъунтIиссара» – тIий ур МухIаммад Идавс ﷺ.

## Магъарданул шартIру

НикахI-магъар бишаву Шариатрайну, тIайлану хъуншиврул дуссар цаппара чара бакъа дуруччин аьркинсса шартIру:

1. Ижаб ва къабул. Валийнал (душ щар

булун шайса гъанчу) чулуха «На ттулва душ щар буллау ура» – тIисса махъру, бувчIинсса мазрай увкусса. Душ буцлацисса оьрчIал чулуха «На къамул буллау ура» кусса махъру.

2. Душ бикIан аьркинссар цаманашал магъар бакъасса, эддалиятугу марцIисса. (Эдда – хъхъичIва щар хъуну бивкIисса ласнал тIалакъ дуллуну махъ ягу лас ивкIуну махъ цаманашал магъар бишиннин гъан аьркинсса чIун). ЧIявучин инсантурал дянив багъай мукунсса ишру, гъунтти-сарану хъатIи бан хIадургу хъуну, хъхъичIвама ласнал тIалакъ дуллуссарив, къадуллуссарив къакулну ливчIисса. ЗАГС-райну личи шаврийну тIалакъ хIасул къашайссар. Къиямасса Къини цаягу инсаннахъ «Ина ЗАГС бивхъуссияв?» куну къацIуххинтIиссар. Мунин буну чара бакъа кIилчин щар хъанахъисса хъамитайпалун хъхъичIма ласнал тIалакъ дуллуну дикIан аьркинссар, акъахъурча, мунихъ цукунчIавсса ихтияр дакъассар цаманан щар хъун ва мукун бивхъусса магъару хIисав бакъассар. Щарссанин дуллусса хъус махъуннай ласаврийнугу магъар зия къашайссар.

МахIатталсса иш бур, амма ца-цавай инсантуран кIулну къабикIай магъар бишайсса чIумал буцайсса бардулт (свидетель) цукунсса бикIан аьркинссарив, цалва ци учин аьркинссарив, хIатта гъарца бусурманчувал барашинна – шагъадат дутангума къакуллсса бикIай. Мукунма, кIулну къабикIай хъхъичIма ласнал тIалакъ дуркун, цаманан щар хъуншиврул шанма зуруй ялугълан аьркиншиву.

Магъар бишаву – хъинну хъуннасса къулагъас дан аьркинсса ишри. Магъар бишайни чара бакъа кIия бара (свидетель) икIан аьркинссар. Ми бакъахъурча, магъар хIисав къашайссар. Хъамитайпалухъ цукунчIав ихтияр дакъассар цилва цуппа щар булун, мукунма, хъамитайпулуца



хъамитайпа щар булунгу къашайссар, чара бакъа ганил валий адимина икIан аьркинссар. МухIаммад Идавсил ﷺ увкуссар: «Валий акъа бувсса никахI зияссар, хIисав бакъассар».

Шариатрал луттирдаву чивчуну бур, хъамитайпа щар булун ихтияр дусса валий акъахъурча, имамнал щар булун аьркинсар, куну. Мукунма, душнил валий 85-ра километралул манзилданул архшиврий ухъурча, валийшиву имамнай дикIайшиву. Ва ишираву чIявуминнал гъалатI багъан бай. Масалдаран, душнил валийшиву дан аьркинсса бутта чу-унугу Аьрасатнаву ухъурча, ганил уссин ягу буттауссин цукунчIав къабучIиссар ганин валийшиву дан. Агана валий бунагъру байсса ухъурча, масъала чак къабайсса, къалиян учайсса, хIан хIачIайсса, мунал цама валийнахъ хъун ихтияр дулун аьркинссар – душнил буттал буттахъун, уссихъхъун, буттауссихъхъун, уссил арснахъхъун. Бара икIан аркинссар аьдилсса – ши-нал мутталий хъун бунагъ къабувсса.

ХIан хIачIайсса, къалиян учайсса инсан барану уцин къабучIиссар. Агана бунагъру буллау бивкIисса инсантурал имамнал хъхъичI тавба дарчагума, ми бардултну буцин къабучIиссар.

Ялагу ца баякъаву дур жулва инсантуруавусса, личи хъусса хъамитайпа цIунил щар хъанахъисса чIумал ганил валийна ихтияр къаласурчагу бучIиссар тIисса. Мукунсса зад Шариатраву бакъассар. Цимилчин щар хъанай бунугу, цими шин хъусса хъамитайпа бунугу, валий акъана га щар хъун къабюхъайссар. Мунияту, никахI буллалисса чIумал, халкъунная къюлтI къабувну, имамначIан лавгун бан аьркинссар.

НикахI-магъар бакъа адиминал ва хъамитайпалул дуртсса гъарца хъхъу зунарай дуртсса хъанахъиссар. Миннал бувсса оьрчIругу зунарай бувсса хъанахъиссар. Аллагънагънигъ дуну бикIан аьркинни никахI къабивхъуну ягу тIайла бакъа бивхъуну щар дуцла-циминнан. Аллагънал ﷻ кумаг баннав. Амин!

# Сафар барз

Бусурманнал календарьданул мухIаррамрал хъирив байбихшайсар сафар барз. Му зурул махъра-махъсса арвахI къини (среда) мукъра ракаат суннат чаклилу дурну дуаь дуркуну хъинссар. Чаклин нийят дайссар: «На нийят дурунни бала-апатIирттая буруччаврил суннат чак бан», - куну. Гъарца ракаат-траву «АльIамрал» хъирив 17-ва сура «Аль-Кавсар» («Инна аьтIайнака...»), 5-ва «Къулгъу», 1 «Аль-Фалакъ», 1 «Ан-Нас» буккайссар. Салам буллуну махъ яларай чирчусса дуаь дуккайссар:

بِسْمِ اللَّهِ الرَّحْمَنِ الرَّحِيمِ ، وَصَلَّى  
اللَّهُ تَعَالَى عَلَيَّ سَيِّدِنَا مُحَمَّدٍ وَعَلَى  
آلِهِ وَصَحْبِهِ وَسَلَّمَ ، اللَّهُمَّ يَا شَدِيدَ  
الْقُوَى ، وَيَا شَدِيدَ الْمَحَالِ ، يَا عَزِيْزُ  
ذَلَّتْ لِعَزَّتِكَ جَمِيْعَ خَلْقِكَ ، اِكْفِنِيْ شَرَّ  
جَمِيْعِ خَلْقِكَ ، يَا مَحْسَنُ يَا مَجْمَلُ ،

يا متفضّل ، يا منعم يا مكرم ، يا من  
لا اله الا أنت ، ارحمني برحمتك يا  
أرحم الراحمين ، اللهم بسر الحسن  
وأخيه ، وجدّه وأبيه و أمّه و بنيه ،  
اكفني شر هذا اليوم وما ينزل فيه ،  
يا كافي المهمّات يا دافع البليات  
فسيكفيكمهم الله وهو السميع العليم ،  
وحسبنا الله ونعم الوكيل نعم المولى و  
نعم النصير ، ولا حول ولا قوة الا بالله  
العلي العلي العظيم ، وصلى الله تعالى  
على نبيّنا محمد خير خلقه وعلى آله  
و اصحابه اجمعين

Бисмиллагъи пррахIмани  
пррахIим. Ва салляЛлагу аьля  
сайидина МухIаммадин ва  
аьля алигъи ва сахIбигъи ва  
саллям. Аллагъумма я ша-  
дидалъ къува ва я шадидаль  
михIали я аьзизу заллат  
лиззатика жамиоь халкъика  
икфини шарри жамиэ хал-

къика я мухIсину я мужмилю  
я мутафаззилу я мунъму я  
муриму я ман ля илягъа илля  
анта ирхIамни бирахIматика  
я архIама пррахIимин. Алла-  
гъумма бисирриль ХIасани ва  
ахигъи ва абигъи ва жаддигъи  
ва уммигъи ва банигъи икфини  
шара гъазаль явми ва ма ян-  
зилу фигъи я кафияль мугъим-  
мати я дафияль балиййати  
фасаякфикагъумуллагу ва  
гъува ссамиоьль аьлиму ва  
хIасбуналлагъу ва ниъмаль  
вакилю ниъмаль мавля ва  
ниъма ннасиру ва ля хIавля  
ва ля къувата илля билля-  
гъиль аьлиййиль гIазим. Ва  
салля лагъу аьля набиййина  
МухIаммадин хайри халкъигъи  
ва аьля алигъи ва асхIабигъи  
ажмаэн.

Му бакъассагу му къини  
садакъа буну хъинссар, яла  
ххуймур чIунгу кIюрххил  
чаклин акбар увкуну, чани  
хъуннин. Гъашину сафар  
зурул махъра-махъсса арвах  
къини 18-мур январьданин  
дагълай дур.

# Алжаннавунсса ламу

1 « Жул мурад жулва  
уссу-суннан так цалва Ал-  
лагънал ﷻ хъхъичIсса бурж  
биттур бан дакIнин бугаву-  
ри, акъахъурча, Къиямасса  
къини гайннан хъинну  
гужсса аьзав дикIантIиссар.  
Къуръандалува буссар 82-ва  
аят чаклищал архIал закату  
кIицI лавгсса. Мунияту, чак  
бан ялвусса кунма, закату  
ялвуссар, хъис личишиву  
дакъассар. Ххуйну пикри  
бувара, Аллагънал ﷻ жунма  
82-ва амру буну бур закату  
булара увкуну! Ца аятраву  
увкуну бур: «Гайннал хъус-  
лия закату ласи, мунийну  
гайннал хъус чапалшиву-  
руя марцI хъунтIиссар».  
Аллагъ ﷻ тIий ур: «Арцу  
ва муси махъун дихълай  
закату къабуллалими Къия-  
масса къини миннал ялун  
диянтIисса аьзаврая бувсун  
«ххари бува».

МухIаммад идавсил ﷺ  
увкуссар: «Ххюра зад бит-  
тур дайма Алжаннавун  
уххантIиссар: дакIнихтуну

шагъадат дутайма, махъ-  
уну къабувтун чак байма,  
Рамазан зуруй зума ду-  
гъайма, каши хъувкун  
ХIаж бувайма, паракъатну,  
дакIнихтуну, рязину закату  
булайма».

Абу Гъурайратлул ﷺ бувсун  
бур укунсса хIадис: «Идав-  
сил ﷺ увкуна: «Ряхра зад  
биттур дайма щак бакъа  
Алжаннавун уххантIиссар:  
«чак байма, закату булайма,  
цайвасса аманатрайн хия-  
натшиву къадайма, цалла  
аьврат, лякъа ва маз бунагъ-  
муния буруччайма».

Ялагу Расулулагънал ﷺ  
увкуссар: «Инсаннал закату  
булайхтту ганая оьшиву яла  
лагайссар». Цамур хIадисруву  
увкуну бур: «Зулла хъус  
ядувара закату булаврийну,  
зулва къашайшал хъин бува-  
ра садакъа баврийну, зулва  
ялун нанисса баларду арх  
бувара дуаь даврийну».  
Аллагънал ﷻ кумаг баннав  
жуйвасса буржру марцIну  
биттур буллан! Амин.

# МархIаба, кIи!

Вана уттигу кIи дуркIунни, жунма – бусурманнан кIи дучIаврия ххаришиву дуллан аьркини, цанчирча, цIана жуцава гьинттулнияр бигъану Аллагъ Ꞥ рязи ансса, АллагъначIан гъан хъунсса, чири хъунсса аьмаллу бан бюхъайнутIий.

Халиф Оьмар-асхIабнал Ꞥ увкуссар: «КIи – эбадат дан ччиминнал давлари» - куну. Идавсил Ꞥ хIадисравугу увкуну бур: «КIи – муьмичувнал интри, хъху лахъи хъунни, на хъхуниву эбадат дан изара, кьини кутIа хъунни, на дяхтга зума дугъара». Ибну Ражаб тIисса аьлимчувнал увкуссар: «Хъхурай дурсса эбадатрахсса чири дяхтга кIирисса чIумал зума дугъаврихлу кунмасса бикIайссар».

макъала: ХIажимурал ОьмархIажиев

Хъху лахъи хъунсса чIумал хъхувай изан битга шайссар Аллагънаха Ꞥ эбадат дулланшиврул, мукумма, кьини кутIа хъувкунгу зума дугъан бигъассар – муниву бусса бусурманнал давла. Аллагъу Тааьланал жунна битга дурну дур хъинсса аьмаллу баву кIинттул чIумал, цукунчIавсса захIматшивуртту къархуну кутIасса кьини зума дугъан хъанай бур. Имам Тирмизинал «Муснад» тIисса хIадисиртгал луттираву укунсса хIадис бур: «КIинттул зума дугъаву – бивкъусса давлари». «Бивкъусса» тIисса мукъул мяьнагу – талатаву къадурну, битганма биривсса давла тIиссар. Абу Гъурайрал Ꞥ увкуссар: «Зува битгъасса давлайин тIайла бацIан бавув?» - «Бува». «КIинттул зума дугъагъи» - увкуссар асхIабнал Ꞥ.

Яхъя ибн Муаьз тIий ур: «КIинттул хъху лахъиссар, шанашавриьну му кутIай мадувара, Ислам марцIассар – вилва бунагъиртгаьну му чапал мадулларда, гьинттул хъху муксса кутIасса ва кIирисса дикIай, шанул уччинвагу къашай».

Ибну Масъод тIий ивкIссар: «МархIаба, ча дуркра кIи, ва чIумал барачат ликкай, эбадат дан хъху лахъи шай, зума дугъан кьини кутIа шай». ХIасанул-Басринал увкуссар: «Бусурманчунан кIи хъинну ххуйсса чIун дур – хъху эбадат дан лахъисса дур, кьини зума дугъан кутIасса дур». Оьбайд ибн Амирдул учайсса бивкIссар: «Я Къуръан буккулт, зун Аллагънал Ꞥ калам ккалан хъху лахъи хъунни, зума дугъан кьини кутIа хъунни, кIинттул хъхурай дурсса эбадат гьинттул зума дугъаву кунмасса». ЧIявуса аьлимтал хъинну пашман шайсса бивкIссар кIинттул чIумал эбадатрайхIин АллагъначIан Ꞥ гъан хъунсса сант итадакъайхтту. ИвчIавайсса чIумал Муаьз аьгIий ивкIссар, ттуца кIинттул чIумал хъхуниву ивзун эбадат дан къабювхъуна тIий. ХъхъчIрасса шиннардий къадургъуну лирчIсса зумардал буржру буминнангу мий хъирив лахъан яла битгамур чIун кIи хъанай дур, му Аллагънахсса Ꞥ хъунмасса цIимири.

## Камилну чаклин иссаву

Ялагу ца эбадат, кIинттул АллагъначIан Ꞥ гъан хъун айсса – дяркьусса чIумал камилну, шаллуну чаклин иссаву. Ца чIумал МухIаммад

Идавсил Ꞥ цIувххуссар: «Бусавив зухъва ссайнури Аллагънал Ꞥ бунагъругу шовиюну, даража лавай байсса?». «Бусикъай, я Расулаллагъ!», - увкуссар асхIабтурал. «ЗахIматшивуртту дусса чIумал камилну чаклин иссавриьну». (Муслим, 251). Амма инсан кIинттул чIумал гъелисса къатлуву гъелисса щинай чаклин ислай ухъурча, ва хIадисравун къаагълагъиссар. Халиф Оьмар-асхIабнал Ꞥ увкуссар цала арснахъ: «Ттул арс, имандалул дусса цилла лишанну ва сифатру:

- кIирисса чIумал зума дугъаву.
- захIматшиву, бала ялун бивукун, ссавур даву.
- камилну чаклин иссаву дяркьусса чIумал.
- чIун дирукун, чак бан анавар уккаву;
- увччу аймур къахIачIаву;



Авзаи буслай ур Яхъя ибну Касирдуя Ꞥ: «Ряхра лишан думанаву камилсса иман дуссар, минувасса кIира: кIирисса кьини зума дугъаву ва дяркьусса чIумал камилну чаклин иссаву...».

Имам АхIмадлул Ꞥ «Зугъд» тIисса луттираву увкуну бур: «Муса идавсил Ꞥ цIувххуссар Аллагънахъ Ꞥ: «Я ттул Зал, кьиямасса кьини Аьрширал ххютулу цу икIантIиссар?». «Аьрширал ххютулумий бикIантIиссар марцIсса дакIру дусса, цалва динналул уссу-ссу ххирасса, камилну, шаллуну чаклин биссайсса...»

## Хъхувай чакру баву

Яла хъинми аьмаллавацца ца ва чири хъунмасса эбадат – хъхуниву чаклий ацIавури. Хъхувай ивзун чакру байманансса ужра АллагъначIан Ꞥ хъинну хъунмасса. Ибну Оьмар Ꞥ хъхувай шананвагу къаикIайсса ивкIссар. Хасанул-Басринал учайсса бивкIссар: «Яла хъинмур эбадат – хъхувай ивзун чак бавури, мунил куна лагъ АллагъначIан Ꞥ гъан къаайссар». Ваналва увкуссар: «Хъхувай чаклий ацIавунир захIматсса эбадат дакъассар». Жула Идавсил Ꞥ увкуссар: «Фаризасса чаклил хъирив яла ххирамур – хъхуниву ивзун бумурди» (Муслим, 2821). Цамур хIадисраву увкуну бур: «Хъхувай ивзун чакливу 10-ва аят бивкуманал ца баччи бакъаминнава леххан дантIиссар, 100 аят бивкума

Аллагънахъ Ꞥ нигъа бусайминнавух чичинтIиссар, 1000 аят бивкума ахирталул хъус цацIун дурминнавух чичинтIиссар» (Абу Давуд «Сунан», 1398).

Дуржагъраву дикIайсса дяркьу хъама дитангу къабучIиссар, Аллагънахъ Ꞥ жува муниву буручIаву чIа тIун аьркинссар. Абу Гъурайратлуя ва Абу Саид Аль-Худриная бивсъсса хIадисраву увкуну бур: «Дяркьусса кьини Аллагънал Ꞥ лагънал учирча: «Ля илягъа илляЛлагъ, ва кьини кунна дяркьусса кьини дакъая, я Аллагъ на дуржагърал дякъия уручча», - куну, Аллагънал Ꞥ учайссар дуржагърахъ: «Ца Ттул лагъ чIа тIий ия вивусса дякъия уруччаву, На барашинна дуллай ура га лагъ ххассал увшиву». Цавай инсантурал Идавсикъ Ꞥ цIувххуссар: «Дуржагърал дяркьу тIисса мукъул мяьна цир?», – куну.

## Яла гужмур джигъад

Къуръан ва хIадисру хъанахъиссар бусурманчунан шалва оьрмулул конституцияну. Къуръанналуву буссар аят (мяьна): «Ттул цIаний джигъад (хIарачат) буллай бивкIий, чара бакъа тIайласса ххуллий бацIантIиссар» (сура «аль-АьнкъабутI», аят 69). Ва аятраву «джигъад» тIисса махъ ишла бивну буссар. Цукунни ва махъ жунма бивчIин аьркинсса?

макъала: МухIаммад Къурбандибиров

«Ас-Савил» тафсирдануву «джигъад» тIисса махъ цалва нафсрачал, гъавасрачал талатаву даву кунма бивчIин бивну бур. Цайми тафсирдаву джигъад тIисса махъ бивчIин буллай бур «элму лахъхъавривусса хIарачат», «Аллагънаха Ꞥ эбадат давривуса хIарачат» тIий. Ва аятрал ахирданий Аллагъ Ꞥ тIий ур (мяьна): «Аллагъ Ꞥ хъинмур байминнашал уссар», цамур куцуй учин, хъинмур бувайманан Аллагъу Тааьланал кумаг байссар. Ххирасса уссурвал, жулва нафс щайтIаннун ччимур булланшиврул зузи булларчан, жуйнма Аллагънахъ Ꞥ цукунсса кумаг биянтIиссар. Аллагънахъ Ꞥ кумаг чIа тIун цукун бюхъайссар, эбадатраву хIарачат буллай бакъанува?

Нафсрачал джигъад бан аьркин бакъасар тIиминнан БайхIакъил бивсъсса хIадис кIулну бакъахъунсар. МухIаммад Идавс Ꞥ цала асхIабтурал гъазавагъра зана хъуну нанисса чIумал ганал увкуссар: «Жува чIивисса джигъадрая хъунмунир зана хъуссару» - куну. АсхIабтурал цIавххуссар: «Ванияр хъунмасса джигъад цумурди?» - куну. «Жулва нафсрачалсса ва гъавасрачалсса джигъад» - увкуссар Расулудлагънал Ꞥ. Къуръанналин ва хIадисиртгаьн бивну, «нафс» тIисса мукъул мяьна хъанахъиссар: «инсан оьмунин кIункIу аймур». ХIадисраву бивсун бур, нафс арулцIалва щайтIаннуяр оьсса бушиву. Ца нафсраяр ххув хъуманал бивкIайссар арулцалва щайтIаннуяр ххув хъуманалуксса даража. Жунмагу мукунса джигъад язи бугъан аьркинни, арулцалийнусса чири бунутIий. ЦIанасса чIумал цавай инсантал бур «Джигъад – Алжаннул бакIри» тIисса. Миннан Къуръанналул аят дакIинин бутан ччива (мяьна): «Яла бюхттулмур – Аллагъ Ꞥ кIицI лагавури» (сура «аль-АьнкъабутI», аят 45).

АсхIаб Абу Дарда Ꞥ буслай ур Идавсил Ꞥ увкушиву: «Бусавив зухъва Аллагънал Ꞥ хъхъичI мусияргу, арцуяргу, Исламрал душмантал литIаврияргу ххирамур цирив?» АсхIабтурал цIувххуссар: «Аллагънал Ꞥ ххуллий шагъидну ивчIаврияр ххирасса ци дикIан бюхъайссар?» - куну. Идавсил Ꞥ увкуссар: «Душманнашал тур гъагъаннин, гъухъа оьттул буцIиннин таларчагу, Аллагъ Ꞥ кIицI лагайминнал даража хъунмасса» - куну. Мунияту, ххирасса уссурвал, зикири, Аллагъ Ꞥ кIицI лагаву – бусурманчунан бан бюхъайсса аьмаллава яла лаваймурди. Чак баврил ва Къуръан буккавил мурадгу мури. Джунайд аль-БагъадичIан тавба дан ччисса инсантал бивкIукун, шайхнал гайннахъ чIявуну зикири бувара учайсса бивкIссар, му зикирийну гайннал къюкIру чанна лархъун бунагъмунир арх хъуншиврул. Джигъад так ярагъуннишал дяъви баврин къаучайссар, ва мукъуву цаймигу чIярусса мяьнарду дуссар. Миннува яла мюнпат бумур – зикири баву хъанай дур. Аллагънал Ꞥ жунма кумаг баннав Цува Ꞥ кIицI лагаву чIяру дан! Амин.

# Алгебралул «ппу»

МУХАММАД ИБН МУСА АЛЬ-ХОРЕЗМИ (783 - 850)

832-ку шинал Аббасидтурал тухумравасса халиф Аль-Маъмуннал Багъдадлив сакин бувсар «Хикматрал къатта» тIисса элмийсса центр. Гиву зий бивкIссар цIа дурксса аьлимтал - кIия уссу МухIаммад ибн Муса аль-Хорезми ва Бану Муса. Гай кIиягу зий бивкIссар хьхичIивасса грекнал аьлимурал давуртту таржума даврил ялув.

макъала: Аьли Мусаев

Аль-Хорезми ивкIссра цала чIумуву яла гужма математик, хIакьину «алгоритм» тIисса махь хууссар Аль-Хорезминал цIанияту. Алгебра ляхъан даврил тарих ганал чивчусса «Аль-китабул мухтасар фи хIисаб аль-жабр вал-мукабала» тIисса луттирашчал дархIуну дуссар. Ванил мяънагу «Дузал бавириясса ва данди бишавриясса кутIасса лу» тIиссар. Ва луттирад цIанивусса «Аль-жабр» тIисса мукъуя хууссар «алгебра» тIисса махьгу.

Аль-Хорезмил бусаврин бувну га луттирал мурад бивкIссар инсаннал оьрмулуну мудан аьркин шайсса арифметикалул действирду лахъхьин дан, ирс ласайсса ва булайсса, хъус дачIайсса чIумал, дахху-ласулуву, аьрщи машан ласавриву, шин дуцайсса кьуви дуклакисса чIумал ва цаймигу иширттаву ишла дансса. Вай ялув чивчусса иширттаву алгебра ишла дан аьркин шайсса бакъанугу, га луттирал цалчинсса бутIа шалва бур хIакьину жува алгебралул дарсирдай лахъхьаймуни хас бувну. Шиккува учин, га лу сакин бувну бивкIссар инсаннал оьрмулуну хьуна дакъайсса захматшивуртту шаллу дан, мунияту, га заманнал Исламрал халифатраву ялапар хъанай бивкIсса агъалинал оьрмулуну хьуна бакъайсса ишру шаллу баншиврул алгебра ляхъан дурссар учин бучIир.

Аль-Хорезмил луттираву бувсун бур линейныйсса ва квадратныйсса уравнениярда, круграл, квадратрал площадь кIул баврия, шарданул, конусрал, пирамидалул лагру дуцаврия.

Аль-Хорезмил чивчуссар, мукума, индиянал ва аьрабнал цифрардаясса лу. Га лу аьраб мазрай цIананин ливчIун бакъар, латин мазрай таржума бувмур бакъасса. Латин мазрай ганин цагу дур «Алгоритмус», вания хуусса алгоритм тIисса махьгу. Га луттираву бивкIссар квадратный корень лякъайсса куц бувчIин бувну, хьхичIива хьхичI «ноль» ишла бувссар.

Аль-Хорезмил сакин дурссар синус ва тангенс бувчIин буллалисса тригонометриялул таблицарду. Ванал чивчусса арифметикалул лу бивкIссар 1857-ку шинал латин мазрай таржума бувну Римулал князь Бальдассаре Бонкомпаньял. ЧIявуми Аль-Хорезмил луттирду, хаснува «Китаб аль-жама валь-тафрикь» ва «Китаб аль-жабр вал-мукабала» бивкIссар латин мазрай таржумагу бувну 16-ку ттуршукулин бияннин европанал университетиртаву математикалул агъамми луттирдуну ишла буллай.

Бусурманнал математик Абу Камил Шужаьлул тIимунин бувну, Аль-Хорезмил луттирдал хъунмасса асар бувсар 13-ку ттуршукулул машгурсса математик Леонардо Пизанскин.



## Астрономия

Математикалул луттирду бакъасса, Аль-Хорезмил сакин бувсар хьинну агъамсса астрономиялул хас бувсса лу. Ганиву бувсун буссар календардая, рузнамалия, бургия, зуруя, цIуртая. Ганал астрономиялул хIисаврттал гъану индиянал астрономтурал давурттай бивкIунгу, Аль-Хорезмил хьинну тIайлану хIисав бувсар баргь, барз нанисса куц, баргь ва барз бутъаврил (затмение) чIунну.

Цамур ваналва сакин бувсса луттираву сакин дурну дуссар астрономиялул таблицарду, европанал миллатирттал ва китайнал мазрай таржума дурну диркIсса.

## География

Аль-Хорезмил географиялул ялув чивчуссар «Китаб сурат аль-арз» («Аьршарал суратрал лу»). Птоломейлул чивчусса укунмаса луттирда ванил личIишиву диркIссар Аль-Хорезмил ганиву ца-цавай грекнал астрономнал пикрирду балжину бувчIин бавриву. Птоломейлул сакин дурсса карталулу диркIсса гьалатIру тIайла бувсар Аль-Хорезмил. Ванал чивчуссар хьинну агъамсса географиялул лу, дунияллийсса 2402 ориентир ккаккан дурсса. Аль-Хорезмил дунияллул карталул гъану бивгъуссар учин бучIир. Га карта сакин даншиврул ванал бувкIуссар 70-ла географнал чивчусса лу. Мукума, халиф Маъмум аль-Рашидлул амрулийну ванал ляхъан бувсар аьршарал лахъишиву, лагру дуцайсса инструментругу.

## Аль-Хорезмил цIа Европанаву

1140-ку шинал англиснал математик Роберт Честердул таржума бувсар Аль-Хорезмил лу латин мазрай, ганин цIагу дирзсар «Алгебралул ва алмукабалалул лу». Цаму лу таржума бувсар испаннавусса жугьутI Иоанн Севильскил. Гай латин мазрай бувсса таржумардайну Аль-Хорезмил цIа

машгур хууссар шалвагу Европанаву, ва гикку элму гьаз шаврин хьинну хъунмасса кумаг бувссар. 12-ку ттуршукулул дайдихъулий англиснал философ Аделард Батскил ва италиянавасса Герард Кремонскил таржума бувсар Хорезмил чIявуми луттирду латин мазрай. Гай луттирдашчал бувкIсса аьрабнал цифрарду римналминнун кIанай ишла баврилгу хIисавртту даву хьинну бигъа дурссар.

Аль-Хорезмил индиянал цифрарду ишла бавриясса лу чивчуну 200-ра шинава га система шалва бусурманнал халифатрай машгур хууссар, амма Европанаву аьрабнал цифрарду ишла буллай байбивхъуссар так 16-ку ттуршукулий, италиянавасса савдажартал аьрабнал хIукуматирттава лавсун бувкIукун, гайннул бигъашиву кIул хьувкун.

## Бусурманнал асар

Исламрал динладул дайдихъулийра бусурманнал хьинну хъунмасса хIарачат буллай бивкIссар элмурду лахъхъавриву, ттинин кIулну къадиркIсса элмурду ялун личин давриву. Багъдадлив, Дамасклив, Кьагьирдай, Кордовалий бивкIссар хъунисса цивилизациялул центрду хьуну. Гикку зий бивкIссар цIа дурксса бусурманнал аьлимтал, гьарца чулухуннай элмулуну хьхичIун ливчусса. Мува чIумал Европа элму-кIулшивлул чулиннай хьинну гужну махъун багъну бивкIссар. Бусурманнал аьлимтурал тIиртIусса элмурдая хъунмасса хайр ласун хъанай бунува, насранинал католиктал бивкIссар исламрал дин тIайла дакъашивруй цалва халкъ бацIан буллай. Мунияту, 12-ку ттуршукулин бияннин Европанал халкъуннал пикри бивкIссар бусурманнал дурсса хьиривляявурттая Европанал халкъуннан цукунчIавсса пайда бакъассар тIисса. Му иширал Европа хьинну махъун бувтссар, бусурманналмур халифатрив гьарца чулухуннай тIутIаих дирчуну диркIссар.

## Аьрабнал математика

11-ку ттуршукулий аьрабнал математиктал бивкIссар дунияллий яла хьхичIунмину. Гайннан кIулну бивкIссар шамулчинмур ва мукулчинмур степеньдалул уравненияртту дуллан. Аьраб мазрай латин мазрай чIявусса луттирду таржума бувну бивкIссар, ми луттирдашчал архIал дунияллий байбивхъуссар математика лахъхъаврил цIусса замана. Амма аьрабнал математикалиясса хъунмасса хайр Европанал агъалинан бувчIиннин хъунмасса хIал хууссар.

## Нольданул тарих

«Ноль» ляхъан баврил математикалулу мийжаннугу революция дурссар. ХьхичIива хьхичI «ноль» ишла бувсса 967-ку шинал МухIаммад бин АхIмад тIисса бусурманнал аьлимчунал. Европанавуннин га бувкIссар 13-ку аьсрулий. Аьрабнал цифрарду ишла баврийну сьятирдай дайсса хIисавртту минутирттал дяниву дуллан бивхъуссар.

Алгебра ва алготирму ляхъан даврил кумаг бувсар хIакьинусса компьютерду ляхъан баврин, бусурманнал аьлимтурал дурсса хьиривляявуртту дакъассания, хIакьину жучIара бусса технологияртту къадикIанссия.

# Гьумучиял Хьун Аьли «Мухтасар»

(дайдихъу хьхичIимий номердай)

Ислам цირи чирча, му ххюра задрай дарцIумурди: хьхичIира хьхичIмургу шагъадатри ашгъаду алля илягъа иляллагъ ва ашгъаду анна МухIаммада-р-расулюллагъ, ваниял мяънагу – на барашинна дувара цаха лагъшиву дан хIакъсса ца Аллагъ ﷻ акъа акъашиврий, МухIаммадгу ﷺ Заннал ﷻ халкъуннан дин лахъхьин дан гъан увсса идавс ушиврий. КIилчинмур – гъантлий ххюва чак бавури. Шамулчинмур – закят буккавури. Мукьилчинмур – рамазан зуруй зума дугъавури. Ххюлчинмур –

хIаж бавури, каши духъурча ва нигъачIин дакъасса ххуллу бухъурча.

Имандалул камилшиву – мазрахгу мукIрушинна дурну, дакIнихгу тасттикьгу бувну, чурххал базурдах аьмалгу бавури, масала, ххювагу чак баву ва муниха лавхъхъумур кунна, ва Идавсил ﷻ суннатрал хьирив ачавугу. Мазрал мукIрушинна къадурма чапурчури, мазрал мукIрушинна дурну, амма дакIнил тасттикь къабувма мунафикьри, вай кIивагу дуржагъраву бикIантIиссар абадлий. Цума ухъурчагу мазрал мукIрушиннагу дурну, дакIнил тIасттикьгу бувну, амма чурххал аьмал къабуллай – му фасикь-

ри, бунагькарди. Цума ухъурчагу Идавсил ﷻ суннатрал хьирив ачаву къадиртун, му аьйкъуса мубтадирри – вай кIиннайвагу ялувссар тавба даву.

Суннат тIурча, му Идавсил ﷻ хьирив ачавури гьарца ишираву. ХIакьну, Идавсил ﷻ цалва хIадисраву увкуссар: «Куну мааьл-жамааьти, ва ман шазза шузза фи н-нари абадан», ванил мяънагу, «Зу идавсил хьирив нанисса агьлу-ссунналушчал бикIияра, минная личи хьума дуржагъравун личи антIиссар абадлий гиву икIан», – тIиссар.

ХIадур бувссар Камал Сагидовлул

**Ттухава ягу ивкIусса инсаннаха зикри буккайний цукунсса нийят дайссар?**

Зикри, салават, Къуръан буккин, садакъа бан ягу цамур хъинсса, чири бусса амал бан дайсса нийят дакIних дарча гъассар. Нийятрал гъану бикIан аьркинссар Аллагъ () рязи ан ччишиву.

**Нитти-буттал цалва оьрчIан хъхъичIва-хъхъичI ци лахъхъин бан аьркинссар?**

Цалва оьрчIан чак баву ва зума дугъаву лахъхъин булланин, нитти-буттал гайннан МухIаммад Идавсил ﷺ оьрмулия, инсан динналува уккан аймуния, Аллагънал () сифатирттая бусан аьркинссар, мунийну оьрчIал къюкIливу иман цIакъ хъуншиврул. КутIану бусан Иман тIисса мукъувун дагъайсса гъарзад лахъхъин дан аьркинссар. Хъири Исламрал рукнурду лахъхъин бан ялувссар. Яла оьрчIал дакIурдиву ихIсан ххи дан хIарачат бан аьркинссар.

**Ттун бавунни хамис къини щинавун учIан къабучIисар тIий. Му тIайлассарив?**

КъатIайлассар, щинавун учIан, марцIшиву дан ихтияр дакъасса чIун дакъассар.

**БучIиссарив хIайвандалул сурат дусса тахIнилува дукра дукал?**

БучиIссар.

**Мизитрава азандаул чIу бавукун, лавай бизан аьркинссарив?**

Азан бавукун щяивкIсса инсан лавай изан аьркиншиву дакъассар. Ци-дунугу дуллау ухъурча, азан къуртал хъуннин даву дацIан дурну, азанналун жаваб дуллуну хъинссар, авцIуну унугу, щяивкIун унугу. Утту ивхъусса инсаннан азандаул чIу баярча, никирттай щяивкIун ганих вичIи дишаву хъинссар.

**Жул шяраву хъаннил арамтурахъ жижара бувай ка дургъуну. Ттун бавунни мукун бан къабучIиссар тIий?**

Куннан ку махIрам къахъанахъисса арамтуран ва хъаннин жижара буллалисса чIумал бикIу, цамур чIумал бикIу, ка дугъан къабучIиссар, хIарамссар. Му бакъассагу, чил арамтурахъ жижара бан хъамитайпалухъ ихтияр дакъассар, ка къадугъарчагума. (ФатхIул-аьллам). Хадисраву увкуну бур: «Чил хъамитайпалул ка дугъавуниял вилва бакIравух муххал ххалаххи бакъаву бигъассар» («Табарани Аль-Кабир», № 20/211-212; «Байгъакъи Аш-шиабъ», № 4/374).

**Дукра куямур каних дукал бучIиссарив?**

Дукра урчIамур каних дуркуну хъинссар, суннатссар. Ца чIумал халиф Оьмардун ﷺ ккавкун ур ца инсан куямур каних ласлай дукра канакисса. Ганал увкуну бур: «УрчIамур каних дуки». Халифнан гава инсан цIунилгу куямуних канай ххал хъувкун, Оьмар-асхIабнал ганал канийх мархъ бившуну бур. Аллагънал ﷻ цIа кIицI къаларгун ягу куямур каних дуркусса дукралувух щяйтIаннунсса бутIагу бикIайссар.

**Совет хIукуматрал чIумал магъар къабивхъунма хъатIи бувну, архIал ялапар хъанахъисса инсантуран ци бан аьркинссар?**

Чара бакъа шайкун анаварну магъаргу бивхъуну, дакIнихтуну тавба дурну, Аллагънахъ ﷻ багъишла битаву чIа учин аьркинссар.

**БучIиссарив Ас-Салам кказит ва цаймигу динналул чичрурду дусса чIапив ччуччин? ТтучIа ми хъинну чIярусса цацIун хъуну дур?**

Ас-Салам кказит ягу цайми динналул чичрурду дусса чагъарду, луттирду винма аьркинну бакъахъурча, ччувччунунир, чIаххувран, гъанмаччаминнан буллуну хъинссар, гайнналгу буккиншиврул. Муниву хъунмасса чиригу буссар. Буккин къашайсса тагъарданийсса бухъурча, ччувччуну, гайнну хъусса лах инсаннал ччан къабизайсса кIанай аьрщараву буччин аьркинссар.

## Дагестанский Исламский университет имени шейха Мухаммад-Арифа

Объявляет набор на вечернее отделение, где все желающие могут без отрыва от производства или учебы бесплатно получить духовное образование. Получив исламские знания, Вы принесёте в свои дома и общество неиссякаемый свет добра, исходящий от Ислама. Это поможет Вам совершать благие деяния.

Мужчины и женщины проходят обучение раздельно. Срок обучения: Программа трехгодичная.

По завершению учебы желающие зачисляются на дневное отделение ДИУ.

Обращаться по адресу: г. Махачкала, ул. Дахадаева, 136. Дагестанский Исламский университет им.Шейха Мухаммад-Арифа (на территории Центральной мечети), городской корпус, 5-этаж.

Телефоны для справок:

для мужчин:

8-988-771-10-20;

для женщин:

8-988-420-46-48.

На учебу принимаются все желающие (от 14 лет) на основе собеседования.

**ХХИРАССА УССУРВАЛ ВА ССУРВАЛ! ДАЙДИРХЪУССАР 2012-КУ ШИНАЙНССА "АС-САЛАМ" ККАЗИТРАЛ ПОДПИСКА.**

**ККАЗИТ ЧИЧИН ХЪУНТИССАР ЧЧИМУР ПОЧТАЛИЙ ВА МУКУНМА ГЪАРЦА РАЙОННАЙССА ЖУЛ ВАКИЛУРАЙХЧИН.**

**ЛАККУ МАЗРАЙССА ККАЗИТРАЛ ШИНАЙССА БАГЪА ХЪАНАХЪИССАР 247 КЪУРУШ, ОЬРУС МАЗРАЙССА ККАЗИТРАЛ – 535 КЪУРУШ.**

**ЛАКРАЛ ВА ККУЛЛАЛ РАЙОННАЛ ККАЗИТ ЧИЧАВРИЛ ВА БИАН БАВРИЛ ХИАКЪИРАВУ ВАЙ НОМЕРДАЙХ ОЬВЧИН БЮХЪАЙССАР: 8-928-980-25-19, 8-988-699-28-15, 8-964-003-32-95, ЦIУССАЛАКРАЛ РАЙОНДАЛИЙ ВА НОВОСТРОЙРАЙ: 8-928-961-72-11.**

**ДАКИ ДАРЦИУНУ БУРУ, ЖУЛА ХХИРАССА БУККУЛТ,**

**ККАЗИТ БАКЪА КЪАЛИЧИАНССАР ТIИЙ.**

**АС-САЛАМ ККАЗИТРАЦАЛ ЗУЛ КЪАТРАВУН ДУХХАНТИССАР ХХАРИШИВУ ВА БАРАЧАТШИВУ. АЛЛАГЪНАЛ КУМАГ БАННАВ!**

## ДУАЪ

АЗАН УЧАЙХТТУ ДУККАЙОССА ДУАЪ

اللهم رب هذه الدعوة التامة والصلاة القائمة آت سيدنا محمد الوسيلة والفضيلة

وابعته مقاماً محموداً الذي وعدته و ارزقنا شفاعته يوم القيامة أنك لا تخلف الميعاد

**Аллагъумма раба гъазигъ-д-даъвати-т-таммати ва ссалати-ль-къаимати ати сайидана МухIаммаданиль-василята валь-фазилата вабаъсгъу макъама-м-махIмуданиль-лязи-вааъдтагъу варзукъна шафааъта-гъу явма-ль-къиямати, иннака ля тухлифуль миаъд.**

**ХIурмат бусса уссурвал ва ссурвал!**

**Зунма цIуххин ччисса,**

**ИсламрацIун, ШариаьтрацIун,**

**кулпатрал багъу-бизулуцIун бавхIусса ва цаймигу суаллу гъан бан бюхъайссар SMS – райхчин ва номерданийн:**

**8-928-580-37-89**

**e-mail: assalamlak@mail.ru**

## Рузнама

Январь

Къини	КIюрххил чак	Баргъ буккаву	Ахтгайн чак	АхтгакIун чак	МаркIачIан чак	ХъатIан чак
1	6:31	8:16	12:53	15:08	17:28	19:02
2	6:31	8:16	12:53	15:09	17:29	19:03
4	6:31	8:16	12:54	15:11	17:32	19:04
6	6:31	8:16	12:55	15:13	17:39	19:06
8	6:31	8:16	12:55	15:14	17:34	19:08
10	6:31	8:16	12:56	15:16	17:36	19:09
12	6:31	8:16	12:57	15:18	17:38	19:11
14	6:31	8:16	12:58	15:20	17:41	19:13
16	6:31	8:14	12:58	15:21	17:43	19:14
18	6:31	8:13	12:59	15:24	17:46	19:17
20	6:30	8:12	13:00	14:26	17:49	19:19
22	6:28	8:09	13:00	15:28	17:51	19:20
24	6:27	8:08	13:01	15:30	17:54	19:22
26	6:26	8:06	13:02	15:32	17:56	19:23
28	6:25	8:05	13:02	15:34	17:59	19:26
30	6:24	8:03	13:02	15:36	18:01	19:27